

ռուններ ևս հանուած են. որոց միջոցը կարճ է և ջրա-
ղացքներ դարձնելու կը գործածուի միայն:

Բասկելիչի միջոցին Ռուսական հողը զաղթող ծե-
րունիք կը պատմեն թէ. «Խաստուրցիք ամեն տարի
երբ ջրուղին մաքրելու համար Շեռեանայ գլուխ կը
հաւաքուէին, հազար երիտասարդ պիտի լինէին, եօթ
ձեռք նաղարայ. պիտի ածէին, պարէին. մի օր ևս Խաս-
տուրայ գիւղապետի առաջնորդութեամբ Ռամկան գիւղի
հացատէր Մելոյի տունը պիտի ճաշէին ¹»:

Ըստ աւանդութեան գիւղս ի հնումն քաղաքի մի
տարածութիւն ունէր, որպէս տեղ տեղ նշաններ կե-
րւին: Ըստ ոմանց՝ (Իւչքիլիսէի վանքի միաբաններու
ասութեան) Ս. Վարդան Մամիկոնեան ֆունաց մասն
անցնելու համար այս տեղ եկած է, յետոյ նախարարք
խնդրանօք յետ դարձուցած են:

Այս աւանդութեան սակաւ իմն յարմար կգայ
Չամչեանի զրաճն. «Եւ հասեալ (Վարդանայ) ի գիւղ մի
Արամանայ կոչեցեալ ի գաւառին Բագրեանդայ, մօտ ի սահ-
մանս Բասենոյ և Տուարածատափայ՝ կային անդ՝ զաւուրս
ինչ»:

«Հասեալ սոցա (իշխանաց) ի նախասացեալ գիւղն Արա-
մանայ՝ դտին անդ զՎարդան և զեղբարս նորա . . . յոր-
դորէին զնա . . . դառնալ յետս»: Այս գիւղը Անդափի
սահմանից 2 1/2 ժամ ի հիւսիս, իսկ Բասենից 5 ժամ
յարեւելս է: Եթէ չէ այս Արամանեակն՝ աւելի յարմար
կգայ Աբուղէթ գիւղն, որ Խալեաղի բարձրութեան վե-
րայ և մերձ Բասեանի ապահով վայր մի է:

1. Մելոյի տան հնաւանդ սովորութիւն էր ամեն տարի հաց տալ.
Խաստուր գիւղի իշխաններն մի օր առաջ լուր կտային որ հազար հոգու
հացի պատրաստութիւն տեսնայ: Այժմ Ռամիկան ոչ հայ կայ եւ ոչ
Մելոյի տուն: